

五邊典則

顧廷龍署



五邊典則

明倫彙編
家範典

五邊典則卷二十三

信安徐日久子卿父集

勿餘施邦耀爾

春較

閩漳張

燮紹和父

嘉靖十五年五月貴州都勻界中夷酋王阿
向者世提凱口圍屢爲不靖官司不能制至
是發兵攻平浪撫鎮招之不下事聞

詔集兵剿之於是巡撫陳克完調上漢官軍三
萬以去年十月中集圍下其地絕險賊即其
要害立弩樓疊石防守攻三月餘不克乃分

兵破其黨惡訛酋等圍隨招降附近苗夷三十九寨賊衆日離宜慰使安萬銓乘夜雷雨督其衆以輓梯鈎繩烹貫而上登山絕頂及用弩石下擊總兵楊仁等部各哨兵仰面夾攻之萬銓兵自山上馳下開圍門遂斬阿向及黨酋十餘人訛口諸洞皆平允斬首二百五十級生擒及俘獲三百六十餘人招降夷寨男女二萬餘人捷聞

上嘉其功陞仁官一級

賜銀四十兩綵幣四表裏克完及御史楊春芳
俱陞俸一級銀三十兩綵幣三表裏萬銖而
下各銀幣有差

十六年正月

命武定軍民府土官知府瞿氏掌印初本府印
自洪武以來俱土官掌管正德間有司議以
流官同知署印土知府職專巡捕徵錢糧而
已自此繼襲二十餘年俱未掌印及鳳詔故
瞿氏以母襲子官而所轄四十七馬頭阿立

等數請以印屬瞿氏有司勘議非便吏部覆
言土官掌印係舊規宜如其請從之

九月貴州凱口苗平賞都御史洪珊等銀幣
有差先是都御史陳克宅既平阿向之亂餘
黨王聰楊免等復奪而擾之官兵與敵輒敗
都御史王珊遣使撫諭再三終不降乃調安
萬銓兵至以指揮李木佐之都指揮朱文協
謀前後土漢官兵三萬有奇皆集圍下萬銓
親率花鎗手與賊相距賊敗走渡河萬銓兵

尾其後朱文等三面並進因樹招降旗賊黨
走旗下者五百餘人賊據險下矢石我兵殊
死戰遂破其固斬免等聰冒雨潰圍出爲萬
銓部兵所執已而賊酋王祐復入據固隨執
之前後首虜二百六十三級降苗洞一百五
十餘寨夷民男婦二萬餘口

十七年七月貴州土官宣慰使安萬銓以破
都勻凱口固功辭所賞銀幣乞陞叅政兵部
言賞功自有定格名器不宜濫與萬銓逾分

五邊典
卷二十三
三
妄求當治罪

上念萬銓功令逮治其擢置者仍令受賞

十八年閏七月廣西斷藤峽等處諸巢賊平
凡斬首一十三百五十餘級俘其衆四百五
十餘人撫綏糧二千九百有奇

二十一年四月先是思恩軍民府既改流官
知府仍分設九巡檢司用土目分理之興隆
司土巡檢黃貴安定司土巡檢潘良者貪淫
殘虐爲衆所怨恨土民劉現盧廻等因誘衆

作亂聲稱欲盡除九司之官復流爲土勢頗
猖獗提督兩廣右侍郎蔡經會總兵安遠侯
柳珣議遣副總兵張經叅政翁萬達等督田
州各土兵剿之副使陳茂義撫輯其衆三千
餘人至是且三年九司悉平

八月兩廣總督尚書蔡經總兵安遠侯柳珣
奏賓州馬平柳城諸徭獍首賊常公返肅扶
礦爲亂守備程萬全督兵捕之無功後因副
使張瑤巡歷柳州遂私調土目楊雷帶兵五

百人襲賊賊覺楊畱被執卒多處頃柳慶
將李榮亦調征扶礦等預遣千戶何鉞伏兵
大曹堡令千戶孫畧領兵八百餘繼之鉞遇
賊戰歿無一援者臣待罪請以榮萬全畧下
吏并治右江守巡副使張瑤陳洙之罪得

旨經珣姑宥罪榮革職回衛閑在萬全等下御
史問瑤洙各奪俸二月

九月兵部議覆廣西巡按御史何贊奏桂柳
平梧所屬諸州縣緝盜盤據屢聞警變宜亟

命兩廣撫鎮選將徵兵漸與剿除仍令科道
各一員調度紀功其餘黨聽撫者則檄有司
編置保甲拊循之并

勅撫鎮諸臣于古田融縣建置長官司擇土官
子弟二人給之冠帶領兵萬餘守之馬容平
洛容懷遠荔浦設立大軍堡擇土舍數人領
兵五千守之允已剿巢穴悉屬安插俟數年
後民夷安業土官給印實授土舍冠帶終身
至于八寨則以分隸思恩九巡檢司一寨有

事罪坐一司一司有事罪坐守備及府提調者議入

上命行撫鎮蔡經柳珣等籌畫兵糧約期進剿其相機招撫議處長官司事俱如贊議即令贊紀功

二十二年正月辛酉貴州銅仁平頭苗首龍子賢鎮草苗首龍科桑等作亂流劫湖廣麻陽縣等處

上以諸苗再叛責守備分巡等官李英李義壯

楊雷等控馭失策停俸平賊自効仍命湖貴
撫臣相機剿撫事竝按臣具狀以聞時二苗
已從撫會麻陽知縣朱崇方以勘事取道辰
溪遇苗人拘執之收其所遺筐簣苗憤怨聚
衆窘崇殺其從役追至麻陽城圍之遂擄掠
巡司鄉寨先是守備李英于新附諸苗時時
分別善惡頗稱繁瑣苗既疑畏至是遂復叛
云

勘處湖廣貴州夷情都御史萬鏐言鎮筸銅

平叛苗以次殄除請掣大軍量留土兵分布
戍守賊首龍求兒龍母叟雖聽撫出降然皆
稔惡元兇宜正重典遂陳善後事宜七事一
往年湖北止設守巡二道後緣夷警增設兵
備彼此牽制當革分巡專令兵備兼理又分
守歲一更代事難責成當選叅政一人專守
湖北其貴州新鎮思仁道亦專選叅議一人
令各撫苗夷一湖廣麻陽貴州銅仁當設叅
將一人兼部兩省漢土官兵往來控制一叅

將旣設在湖廣則常德等六衛永順等宣慰
施南等宣撫覃子坪等長官司及鎮覃九永
二守備隸焉在貴州則銅仁等長官司守備
他如四川酉陽宣撫平峽芭梅等長官司皆
隸焉有司不得阻撓一掣取湖廣辰沅武昌
四衛輪戍清浪哨內軍各五百五十人改戍
麻陽或于沅州衛所調一所守禦更選湖廣
鎮溪等處土兵一千五百人貴州銅平等處
土兵義兵一千人以備緩急一土官徃徃誘

苗行劫當諭戒之其不悛者降削忠順無過者時加撫賞一貴州銅仁等處無城可守所隸各長官司亦盡殘破當爲築砌城垣繕造樓櫓一湖廣舊設灣溪安江十六堡貴州設亞寨地架十堡歲久變更堡軍逋逃至若湖廣丫刺關等處尤爲要區當命所司查勘隨宜裁併增設一諸苗既降卽當安撫有欲復業戍寨或耕田支餉者悉聽而尤須解怨棄責銷訟同盟以結其心兵部覆皆如議因言

二亮先事撫出非在陣俘獲者比當待以不
死

上曰逆苗恃險亂常構禍數年今既平定各該
賊犯并諸功罪查明具奏龍求兒龍母妻養
遼東安置防守事宜俱如議行鎧回京聽用
已南京御史繆文龍劾鎧欺罔謂鎧平鎮巢
苗賊屢撫屢叛不復知有

朝廷之法不可終撫鎧至辰州一籌莫展聽諸
司土官之誘以千百戶四員往賁其寨招出